

Vitamin A

السلام عليكم ورحمة الله وبركاته .. بِسْمِ اللَّهِ الرَّحْمَنِ الرَّحِيمِ

هنستأنف الكلام عن vit. A.

هنتكلم عن ال **functions** وال **deficiency manifestations** مع بعض:

1- Vitamin A is very important for vision

خدنا الكلام ده في ال physiology، vit. A بيتحول إلى (Retinal) vit. A aldehyde وده بيتحد مع بروتين معين موجود في **rods** and **cones**.

إحنا عارفين إن ال **rods** شغلها night vision، وال **cones** شغلها day vision وفيه منهم 3 أنواع حسب ال sensitivity to different colors.

هنتكلم عن ال **rhodopsin** اللي موجود في ال **rods** واللي بيبقى concerned with night vision وطبعا فيه ما يعادله في ال **cones**.

ال **rhodopsin** مكون من بروتين اسمه **opsin** و **11-cis retinal** ويفضل متخزن في ال **rods** لغاية ما يتعرض للضوء (**photons**).

ال **energy of photons** تعمل photochemical change ويتحول ال **rhodopsin** بالتدريج إلى **Lumirhodopsin** ثم **Metarhodopsin I** ثم **Mata rhodopsin II** ثم يتكسر إلى **all trans retinal** و **opsin**. وال **opsin** ده مايقدرش يتحد مع **all trans retinal**، لازم مع **11-cis retinal**، ف لازم نحول ال **all trans retinal** ب **isomerase** إلى **11-cis retinal**.

وفي الآخر بيحصل **initiation of nerve impulse** ومش هنخش في التفاصيل بتاعتها لأنها قصة طويلة وخارجة عن نظام ال **vitamins**.

طبعا مش ال **all trans retinal** بس هو اللي بيتحول ل **11-cis retinal**؛

بمعنى إن أنا عندي **11-cis retinal** موجود في ال **rods & cones** باستمرار، مش هستنى لما يتكون ال **all trans** عشان أحوله **11-cis**، وجود 11 Cis- retinal يعتمد على كمية ال vitamin A عندي.

يعني لو عندي **Vitamin A Deficiency** هل عملية ال regeneration of rhodopsin تبقى سريعة؟؟ لأ تبقى بطيئة. ولذلك من أوائل مظاهر ال Vitamin A Deficiency هو **Nyctalopia** يعني night blindness اللي هو بالعربي "العشى"، يعني مايشوفش كويس بالليل أو لو انتقل من مكان فيه ضوء قوي لضوء ضعيف.

VISIT...

LANZAROTE
Caliente.COM

لو عندك كمية كبيرة من vitamin A وانتقلت من حته فيها ضوء قوي لضوء ضعيف مافيش مشكلة لأن عندك store من vitamin A يبتحول لكميات كبيرة من 11-cis retinol وال regeneration سريع فتشوف كويس. الوقت اللازم لده اسمه **Dark Adaptation Time**.

فيه طريقة تانية بتحول ال **all trans retinal** إلى 11-cis retinal، إنه يتحول الأول ب **Retinal Reductase** ل **alltransretinol** وده بال **isomerase** يتحول ل **11-cis retinol** وبعدين يتأكسد ل **11-cisretinal** بال **Retinal Reductase** بردو. زمان كانوا فاكيرين إن الخطوة الأخيرة دي بتحصل في ال **liver** ولكن مايلزمش؛ بتحصل بردو في ال **retina**.

هل ال **Nyctalopia** هي ال **early sign of vitamin A deficiency**؟ لأ، قبلها بيبقى فيه **loss of green vision**.

هنا خدوا بالكو vitamin A بيبشتغل على هيئة **Aldehyde**.

2- Cell Growth and Differentiation

هنا بيبشتغل ك **Retinoic Acid**.

ال Retinol بيتحول إلى Retinoic Acid "طبعا الأول يتأكسد إلى retinal ثم إلى retinoic acid"، وبعدين ال retinoic acid ده له (Retinoic Acid Receptor RAR) receptor مخصوص موجود في ال nucleus؛ بيعملوا مع بعض complex وده يآثر على **Retinoic Acid Response Element (RARE)** in DNA، وده بعد كده يآثر على ال gene expression؛ يعني ينشط بعض ال genes ويقلل نشاط genes أخرى.

3- Health of Epithelium

هنا ال **Retinoic Acid** وال **Retinol** هما الاتنين مهمين.

- ال **Retinoic Acid** لما بيتحد مع ال receptor وبتاثر على ال gene expression من ضمن الحاجات اللي بيقلها ال **expression of High Molecular Weight (MW) Keratins** وبالتالي بيقل ال **keratinization of epithelium**.
- إنما على هيئة **Retinyl (Retinol) Phosphate** بيشيل ال oligosaccharide chains أثناء بناء ال glycoproteins وطبعا ال glycoproteins مهمين **for the health of mucous membranes**.

فنقص ال vitamin A يبان على هيئة إيه؟ Keratinization of epithelium of

- 1- **Lacrimal Gland** فتبطل تفرز tears ويؤدي إلى **Xerophthalmia** يعني **Dry Eye**.
- 2- **Cornea** فيحصل **Corneal Opacity** يعني عتامة وده يؤدي إلى **Blindness**.
- 3- **Conjunctiva** ويعمل **grayish white spots** اسمها **Bitot Spots**.
- 4- **Hair follicles** فتكبر وتعمل **Rough Skin**.

- 5 **Respiratory Tract** فيعرض الشخص إلى **Respiratory Infection**.
-6 **Urinary Tract** فيتعرض إلى **Stones** و **Urinary Tract Infection** عشان مش smooth.
-7 **Sebaceous Glands** ويعمل **Acne**.

*إزاي لما يبقى ال *epithelium keratinized* يعرض ل *Infection*؟

لأنه أصبح *weak* و *can be easily penetrated by bacteria*.

4- Reproduction

ال **Retinol** هو اللي important.

Important for **spermatogenesis** in males and **maintenance of fetus** in females.

5- Growth of Bones and Teeth

هنا بردو ال **Retinoic acid** وال **Retinol** مهمين زي ما قلنا في ال *epithelium*.

- **Retinoic Acid** مهم for growth and differentiation of cell in bones and teeth زي ما قلنا من شويه.
- **Retinyl Phosphate** بيشيل ال **GAGs** عشان تعمل بيها **proteoglycans** اللي هي مهمة في تركيب ال bones and teeth.

يبقى **Vitamin A Deficiency** يؤدي إلى **Delayed growth of bones** and **Delayed Eruption of teeth**.

6- Antioxidant

محتمل إن له some antioxidant action وال carotenoids are stronger antioxidants than Vitamin A. فال carotenoids وإلى حد ما vitamin A لهم **anti-cancer, anti-atherogenic** and **anti-cataract** actions ولكن الكلام ده مفيش عليه strong evidence.

طب أهم antioxidant بالمناسبة كده مين؟؟ **Vitamin E**.

Requirements

1500 Retinol Equivalents = 1.5 mg vitamin A ≈ 5000 IU/day

Hypervitaminosis A

Vitamin A زي بعض ال fat-soluble vitamins ممكن ال excess يتاعه يكون مضر، وقلنا المرة اللي فاتت ليه؟ لأن مش بنقدر نعملهم excretion in urine وبالتالي ما قدرش أتخلص منهم فلو أخذت excess هيبقوا accumulated في ال body غصب عني.

طب ال excess يعمل إيه؟

يعمل بعض المظاهر تشمل:

-1 Neurological manifestations: Headache - Nausea - Vomiting.

-2 Skin: Peeling of Skin - Falling of Hair.

-3 Bone: Resorption - Hypercalcemia - Painful Joints.

كلمة عن ال **Carotenemia**: يعني زيادة ال carotenes وبتبان على هيئة **اصفرار في الجلد**. طب إيه الفرق بينها وبين ال jaundice؟ إنها مش بتبان في ال eye. عادة ال jaundice بتبان في العين بسهولة أوي أكثر حتى من الجلد. طب إمتى يحصل carotenemia؟ لو خدت carotenes بكمية كبيرة. وبالذات يحصل إمتى؟ لو ما قدرتش أحول ال carotenes ل vitamin A في حالات ال **hypothyroidism** لأن تحويل ال carotene ل vitamin A محتاج ل **carotenase** وده بيزيد بال Thyroxine فلما مايكونش فيه thyroxine كفاية يقل هذا التحويل ويظل على هيئة carotenes. إنما otherwise مالهاش مشاكل.

Vitamin D

له 2 precursors: **Ergosterol** وده موجود في ال fungi including yeast 7- **Dehydrocholesterol** وده بنعمله في جسمنا من ال cholesterol.

إيه الفرق بين الـ vitamin D؟ فيه carbona و double bond زيادة في ال Ergosterol بس.

وبالتالي الـ vitamin D لما يتعرضوا للـ **UV rays** (ال optimum wavelength من 290-315 nm) يدوني **Ergosterol** يدوني **Vitamin D₂** وده بنسميه **Ergocalciferol**. ال 7- **Dehydrocholesterol** يدوني **Vitamin D₃** وبنسميه **Cholecalciferol** وكمال **Calcidiol**، ليه؟ أولاً ليه بنسميه **calciferol**؟ لأنه *important in calcium metabolism*، وبنسميه **Calcidiol** عشان فيه **one OH group** اللي هي في الأصل كانت موجودة في ال cholesterol وشابكة في carbona 3 مرة.

يبقى ال **exposure to sunlight** يعتبر من أهم مصادر ال vitamin D. ومع الأسف المصدر ده بيتناقص بالتدريج، ليه؟ لأن الناس دلوقتي ابتدت تخاف من الشمس، ولما بيعرضوا أطفالهم للشمس بيبقى من ورا الإزاز، وده مايفعش عشان إنت كده منعت 90% من ال UVR لأن الإزاز بيمتص جزء كبير من ال UVR.

وفيه ناس كتير لما يتعرض للشمس بتحط **sunblock** عشان ماتسمرش، وده بيشيل ال UVR خالص كأنك ماتعرضتش للشمس.

وده السبب إن **actually** دلوقتي أكثر vitamin له deficiency هو vitamin D نتيجة إن مصادره الغذائية محدودة والمصدر اللي اداهنا ربنا عن طريق الشمس بنهرب منه.

إحنا لو عرضنا إيدنا بس للشمس لغاية ما الإيدينتحمر هنعصل على **2000-5000 IU** of Vitamin D. With age هذا التأثير بيقل، مقدرتي على تحويل ال 7-Dehydrocholesterol (D₃) لـ **Cholecalciferol** بتقل. خدوا بالكو ال 7-Dehydrocholesterol ده available عندي باستمرار، أنا مش محتاجه من بره. ال **Ergosterol** بقى مش موجود عندي بس ده مش مهم، ليه؟ لأن **Vitamin D₃** يغنييني دائماً عن **Vitamin D₂**. يعني هل أنا محتاج الـ vitamin D؟ لأ، واحد منهم كفاية.

طب إزاي بنحصل على **vitamin D₂**؟ بنعمل irradiation للـ yeast اللي هي الخميرة وال **ergosterol** اللي فيها يتحول لـ **ergocalciferol**. وهنشوف بعدين إن ال yeast مصدر كذلك لكل ال B vitamins.

Calcidiol لما يخش الجسم في ال **liver**، يشتغل عليه enzyme اسمه **25-Hydroxylase**؛ بيضيف hydroxyl group على 25 مرة. ويصبح كده فيه 2OH واحدة في 3 مرة واحدة في 25 مرة 25 فـ **Calcidiol** أو **Hydroxycholecalciferol**، وهو ده ال storage and circulating form of vitamin D.

يروح بعد كده للـ **kidneys** ويحصله **further hydroxylation** بس في position 1 بال **α-1 Hydroxylase**، والناتج بيبقى **1,25-Dihydroxycholecalciferol** أو **Calcitriol**، وده ال active form of vitamin D. ال **α-1 Hydroxylase** ده موجود في ال kidney وكمال في تحت تانية زي ال

monocytes وال placenta. إيه أهمية وجوده في ال **Placenta**؟ لأن during pregnancy إحنا محتاجين vitamin D زيادة. طب وجوده في ال **monocytes** يدل على إيه؟ إنه related to immunity.

800-1000 IU:Requirements

دلوقتي هنتكلم عن **Regulation of activation of vitamin D**.

- إحنا قلنا إن في الأصل vitamin D؛ واللي عادة بيبقى D_3 بييجي من **7-Dehydrocholesterol** بال **25-Hydroxylase** وده موجود في ال liver بيتحول إلى **25(OH)D** أو **Calcidiol**، وده إلى حد ما **inhibits** ال **25-Hydroxylase** بس ده مش **tight regulation**، ليه؟ لأن أنا عايز معظم ال vitamin D يتحول ل **Calcidiol** عشان أعمله storage وعشان بعد كده أوديه ال circulation لل kidney ويتحول ل **active vitamin D**، فأنا مصلحتي إن يتكون باستمرار **25(OH)D**. يبقى هنا ال regulation مش مهم بالنسبة لي.

- وبعدين قلنا ال **calcidiol** ده عن طريق ال **1 α -Hydroxylase** في ال kidneys يتحول ل **1,25(OH) $_2$ D** اللي هو **Calcitriol** أو **active vitamin D**، وبالتالي لازم نعمل control على إنتاج هذا المركب لأن كتره مضر ونقصه كذلك مضر. إزاي نعمل control؟ ال **calcitriol** نفسه **inhibitor** لل **1 α -Hydroxylase**، وكمان لو زاد ال **calcitriol** يشغل another enzyme اسمه **24-Hydroxylase** وده بيحول **25(OH)D** إلى **24,25(OH) $_2$ D** وده an inactive form of vitamin D.

- ال **calcitriol** في الآخر هيزود ال calcium وال phosphate في الجسم زي ما هنشوف بعد كده، إذن لو عندي phosphate كتير هيعمل **inhibition** لل **1 α -Hydroxylase**. وال calcium بقت تأثير ال **calcium** بيبقى بطريقة غير مباشرة عن طريق ال **Parathyroid Hormone (PTH)**؛ نقص ال calcium يزود ال **1 α -Hydroxylase** عن طريق إنه بيزود ال PTH.

من ناحية ال **absorption, transport, storage and mechanism of action of vitamin D** هنلاقي إن فيه شبه من vitamin A:

- إن هو absorbed ببردو مع ال chylomicrons.
- وبعدين it's taken up by the liver.
- Carried in the blood مع **Vitamin D Binding Protein (DBP)**.
- In the liver: vitamin D بيتحول ل **25(OH)D** وده ال chief storage and circulating form.
- In the kidney: بيتحول ل **1,25(OH) $_2$ D (Calcitriol)** وده ال active form.
- **Calcitriol** بيتحد مع intracellular protein receptor ويعمل complex اللي بي bind مع **Vitamin D Response Element** in the DNA وبالتالي أحصل على mRNA Transcription وده بيؤدي لبناء **certain proteins**:
 - **Osteocalcin**: وده bone protein بيعمل **binding of calcium** في ال bone.

Alkaline Phosphatase: مهم for bone metabolism، بيكسر ال organic

phosphate فيزيد تركيز ال phosphate ولما يزد عن حد معين ومعا ال

calcium (solubility product)؛ يترسب calcium and phosphate.

Calbindin: في ال intestine يعمل binding of calcium in the intestinal

epithelial cells وبالتالي يقال إن له دور في امتصاص ال calcium، ولو إن

الأغلب إن vitamin D يؤثر على امتصاص ال calcium في ال kidneys.

:Actions of Vitamin D

1. بيزود ال absorption of calcium and phosphate from the intestines. فيه theory

بتقول إنه بيزود ال calbindin. إنما فيه كلام جديد بقبيقول إن فيه $\text{Ca}^{2+}/\text{H}^{+}$ ATPase موجودة على

ال cell membrane ودي بتدخل calcium داخل الخلية وتطلع ال hydrogen بره فبتزود

امتصاص ال calcium. Vitamin D بيزود عدد ال $\text{Ca}^{2+}/\text{H}^{+}$ ATPase pumps.

امتصاص ال phosphate بقبيبقى secondary to calcium، يعني vitamin D مالوش تأثير مباشر عليه.

2. بالنسبة للkidney بيزود ال renal tubular reabsorption of calcium and phosphate فيمنع

نزولهم في ال urine.

بالتأثير 1&2 هيساعد على ال bone mineralization بأنه يقدم للbone كميات كافية من ال calcium

and phosphate عشان ال normal growth of bone.

3. له action على ال bones: بيساعد على ال normal calcification عن طريق بناء Osteocalcin

and Alkaline Phosphatase بالإضافة ل supplying calcium and phosphate.

4. فيه تأثير آخر على ال bones عكس اللي فات: ببيان بس لو قللت ال calcium intake بحيث إن ال

plasma calcium بيتندي يقل، وده يزود ال PTH فيزود ال calcitriol عما هو مطلوب فيعمل

mobilization of calcium and phosphate from bones. وده غرضه maintaining

plasma calcium، لأن مين أديله priority أكثر؟؟ blood calcium طبعاً لأن ممكن يعمل

tetany لو قل.

إن finally ما تأثيره على ال bones؟ ال physiological amounts يساعد على ال calcification،

ال excess يعمل العكس؛ mobilization، ويعمل Hypercalcemia.

Deficiency Manifestations

✓ أول حاجة نقص في ال absorption of calcium and phosphate من ال intestine و

increased loss in urine.

- ✓ **plasma calcium** في الأول يبقى **normal**، ليه؟ لأن لما بيقل ال calcium شويه، يزيد على طول ال PTH وده يعمل mobilization of calcium from bones to maintain plasma calcium. هل يفضل كده على طول؟ لا، يتديقل بعد كده.
- ✓ **plasma phosphate** من الأول بيقل، ليه؟ إشمعني؟ لأن ال PTH اللي بيحافظ على ال calcium البيوطي ال phosphate؛ له **phosphaturic action**.
- ✓ **Alkaline Phosphatase (ALP)** بيزيد بردو نتيجة زيادة ال PTH.
- ✓ **bone calcium and phosphate** بيقلوا وده بيؤدي إلى soft bones.

نقص vitamin D يعمل مرضين: Rickets & Osteomalacia.

Rickets

ال Rickets هو الكساح وده بيحصل في ال children.

بيان أعراضه في:

1. **Head**: يتبقى **soft**، و **enlarged** في نفس الوقت لأن ال brain بيزق من جوه وبالتالي الراس بتكبر شوية عن الطبيعي، و **deformed**، وفيه **delayed closure of fontanelles** يعني بيتأخر عندهم ال ossification.

2. **Chest**: يبقى فيه حاجة اسمها **Pigeon chest** و **Rosary chest** و **Harrison's Sulcus**، إيه دول؟

◀ **Pigeon Chest**: ال cut section of chest بيتغير شكله من kidney-shaped إلى **triangular**، ليه؟ لأن ال lungs بتشد على ال soft bones of chest wall باستمرار من جوه لأن دايمًا عنده tendency to collapse.

◀ **Rosary Chest**: أولا rosary يعني سبحة، وهنا بيحصل enlargement of the costochondral junctions، إشمعني؟ لأنه في الأول كانوا **cartilage** وبعدين بيحصل ossification عندهم "ال **costochondral junctions** بتعادل ال **epiphysis** في ال **long bones**" فالمفروض ال **cartilage** ينمو ثم يقلب bone؛ هنا بينمو بس مش بيقلب bone، عشان كده بينمو زيادة عن اللزوم. فيديني **nodules** بتبان واضحة أوي **under the skin**.

◀ **Harrison's Sulcus**: في نفس الوقت بيان على سطح ال chest من بره depression عند ال origin of costochondral origin of diaphragm اللي بيشد على ال chest من جوه.

3. **Trunk**: يحصل **Kyphosis** أو **Scoliosis**.

4. **Pelvis**: يبقى **contracted**، يعني ال **internal diameters** تقل؛ يبقى ضيق. وده مشكلته في ال **females** هيبقى ال **labor** صعب.

5. **Long Bone**: بالنسبة لل **legs** يحصل اعوجاج بالذات لما الطفل بيتدي يقف لأن بيضغط بوزنه على ال **soft legs**، وممكن تتعوج لبره (**bowlegs** يعني قوس) أو لجوه (**knock-knees** عشان ركبه بتخبط في بعضها وهو ماشي).
بيحصل كمان **enlargement of lower ends of radius, tibia and fibula**؛ دول هم ال **growing ends**.

Osteomalacia

لين العظام وبيحصل في ال **adults**.

أعراضه:

1. **Bone Deformity**: على هيئة **Kyphosis, Scoliosis and Contracted Pelvis**.

2. **Bone Fractures**.

ونكمل المرة الجاية إن شاء الله..